



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ephemerologivm Ecclesiastio-Rubricisticum Novum**

**Halden, Johann Baptist**

**Brixinæ, 1717**

Titulus LII. De Dominica V. Octobris, ac Ferijs eam Subsequentibus.

**urn:nbn:de:hbz:466:1-39937**

eundem Ordinem Historiæ legi non potuerunt, pariter sunt omittendæ, nisi quis velit omnes novem simul ad modum triplicis Lectionis distributas in tali casu legere; id quod cujusvis privatim Orantis Arbitrio (ut notat Gavantus) permittitur: at verò in Choro nunquam ultra 3. Lectiones (ne scilicet gravetur Clerus) in qualibet Feriâ esse legendas sancitum fuisse in Recognit. Breviarj sub Clemente VIII. testatur idem Gav. Responsoria autem, quæcunque trium prædictarum feriarum legatur de dicto Machabæorum Martyrio, semper dicuntur de Feria currente hac Hebdomade, non autem de ea Feria

aut die, ex qua sumuntur Lectiones nisi fortè utraque (ut contingere potest) aliquando coincident. Cætera autem omnia dicuntur ac fiunt circa Officium ac Missam, eò modo quò dicuntur, ac fiunt, quando Hebdomas IV. Octobris non est Hebdomas ultima hujus Mensis: Col. 10.

SABBATÒ ante Dominicam V. Octobris (nisi isthæc cum sua Hebdomada sit omittenda, eò quòd proximior Calendis Novembris) Antiphona ad Magnificat pro Dominica sequenti est: *Tua est potentia &c. Virid.* Si cras fiat de ea, & non curat Octava.

## TITULUS LII.

### De Dominica V. Octobris, ac Ferijs eam Subsequentibus.

**D**OMINICÀ V. Octobris (nisi ea cum sua Hebdomada sit omittenda, eò quòd sit proximior Calendis Novembris, adeoque in ea ponendum sit Officium Dominicæ I. Novembr.) in I. Nocturno dicuntur Lectiones de Scriptura occurrente, sive *Initium Historiæ Martyrij 7. Ss. Fratrum Machabæorum*; quòd si ob Festum Duplex proprias habens in I. Nocturno Lectiones hodie poni non possit, ponendum est proximo die ejusmodi Festò, aut aliquâ Vigiliâ non impedi-

tò. In II. Noct: Lectiones uti notantur Dominicâ V. Octobr: in Proprio de Temp: In III. dicuntur de Historiâ illius Dominicæ post Pentec: quæcundem Ordinem Dominicarum post Pentec: hòc annò in hac Dominica Mensis occurrit, exstantque P. 2. Proprio de Temp: unâ cum Antiphonis ad *Benedictus*, & ad *Magnificat*, propriæ: *Oratione*, ut ibi. Reliqua omnia (etiam Responsoria) dicuntur uti Dominica I. Octobr.

MISSA de Dominica currente post Pentec: uti notatur in Proprio de Temp:

Temp: cum *Glor: Cred: Oratione* 2.  
ac 3. uti Dominica III. post. Pentec.  
*Col. Vir: nisi currat Octava.*

Feriâ II. infra Hebd: V. Octo-  
bris leguntur Lectiones de Scriptura  
hac die occurrente; dummodo heri  
cœptum sit legi de Historia Marty-  
rij Machabæorum, sive de Scriptura  
in hesternâ Dominica occurrente:  
si enim heri ob Festum Duplex, pro-  
prias in I. Noct: habens Lectiones,  
non fuit lectum de Scriptura occur-  
rente, tunc hodierna Feriâ II. po-  
nuntur Lectiones hesternæ Domini-  
cæ: Feriâ autem III. subsequente po-  
nuntur Lectiones Feriæ II. ac deni-  
que Feriâ IV. Lectiones Feriæ III.  
juxta Ordinem Historiæ & Martyrij  
Machabæorum. Quod si Lectiones  
præcedentis Dominicæ V. Octobr:  
nec in ipsa Dominica, nec etiam Fe-  
ria II. subsequente poni potuerunt  
(ob occurrens Festum proprias ha-  
bens in I. Noct: Lectiones, aut ob  
occurrentem Vigiliam) tunc Lectio-  
nes I. Nocturni Dominicalis ponun-  
tur Feriâ III. Lectiones autem Feriæ  
II. & III. hujus Hebdomadæ ponun-  
tur Feriâ III. & IV. subsequente ju-  
xta Ordinem Historiæ & Martyrij  
Machabæorum. Quod si denique  
nec Dominica præcedente, nec Fe-  
ria II. & III. subsequente Lectiones  
tribus dictis diebus assignatæ legi po-  
tuerunt, tunc Lectiones trium præ-  
cedentium Dierum, in quibus legi  
non potuerunt, legentur in alijs se-

quentibus Ferijs post Feriam tertiam  
nempe Feriâ IV. V. & VI. vel Sab-  
batô juxta dictum Ordinem Histo-  
riæ & Martyrij prædictorum Ma-  
chabæorum, ita, ut saltem Lectio-  
nes de eo Martyrio inchoentur, si  
fortè omnes, ob unam vel alteram  
ex his quoque Ferijs impeditam, de  
eo legi non possunt infra Hebdoma-  
dem, intra quam legi alioqui debe-  
rent: nulla enim (ut notat, & ex  
Rubrica suprâ cit: probat Gayantus)  
est obligatio legendi totam Histo-  
riam de Martyrio 7. Machabæorum,  
sed sufficit, si aliter fieri nequit, Le-  
ctiones de eodem saltem inchoasse:  
nunquam verò ultra tres Lectiones  
in qualibet Feriâ (saltem in Choro)  
legi debent, ut suprâ ex eod: Gav:  
monui. Quocunque autem die, aut  
Feriâ secundum Ordinem Historiæ  
aliquid de dicto Machabæorum Mar-  
tyrio ex S. Scriptura legatur, Re-  
sponsoria tamen in seriali Officio  
semper fumentur ex Feria currente,  
non autem ex Feria præcedente (ni-  
si eadem pro utraque Feria in Pro-  
prio de Temp: assignentur) quando  
Lectiones de Martyrio Machabæo-  
rum ex Feria aut die aliqua præce-  
dente, in qua legi non potuerunt,  
pro Officio currentis Feriæ sunt de-  
sumendæ. Dicuntur autem Re-  
sponsoria in Ferijs infra hanc He-  
bdomadem occurrentibus prorsus ea-  
dem, ac eodem modo, quæ, & quò  
modò dicta sunt in Ferijs Hebdoma-

K k 2

dæ

dæ I. Octobris. In reliquis Ferijs, in quibus nihil superest legendum de Martyrio Ss. Machabæorum, dicuntur Lectiones de Scriptura occurrente, & Responsorialia de Feria currente eadem, ac eodem modò, quæ, & quò modò in Ferijs Hebdomadæ I. Octobr. Ad cuius Hebdomadæ Normam reliqua quo-

que omnia dicuntur ac fiunt quoad Officium & Missam infra hanc quoque Hebdomadam ult: Octobr. Col. 17.

SABBATÒ ante Dominicam I. Novembris Antiph: ad *Magnificat* sequenti Dominica est: *Vidi Dominum &c.* Col: Vir: si cras fiat de e, & non currat aliqua Octava.

## TITULUS LIII.

### De Dominica I. Novembr: & Ferijs eam Subsequentibus.

**D**OMINICÀ I. Novembris (quando fit de ea) ponitur in I. Nocturno *Officij* Dominicalis *Initium Libri Ezechielis Proph:* prout notatur in Proprio de Temp: legiturque de eo Libro per 2. primas Hebdomadas, nisi Adventus præpropere occupet Novembrem, ita, ut iste habeat tantum quatuor Hebdomades; tunc enim Dominica II. Novembr: cum sua Hebdomada & Lectionibus de Ezechiele eidem assignatis omititur. Quòd si hodie occurrat *Festum Duplex* proprias in I. Noct. habens Lectiones (v. g. omnium Sanctorum) tunc *Initium* dicti *Libri I. Ezechielis* ponitur proxima die (seu feriali, seu festivali &c.) ejusmodi Festò, aut Officiò non impedita. In II. Noct: hod: Dominicæ dicuntur Lectiones, uti norantur hâc Domini-

câ in Propr: de Temp. In III. Noctem Noct: dicuntur de Homilia illius Dominicæ post Pentec: quæ hâc Dominicæ Mensis secundum Ordinem Dominicarum post Pentec: occurrunt extantque P. 2. Propr: de Temp. *Responsorialia* (quæ hâc Dominicæ ponuntur) sumuntur in Officio Dominicali ex Dominica I. Novembris, ut ibi notantur; dicunturque omnia etiam in seqq: Dominicis usque ad Adventum. Quòd si hodie ob occurrens Festum Duplex primo ponere non possint, tunc poni debent tunc prima Responsorialia hodiernæ Dominicæ prima die, in qua occurrat huius mensis fieri de Feria, aut de Dominica, omissis alijs Responsorialibus, quæ forte in illa Feria propria habentur, & minime in aliam Feriam translatis. Antiphonæ ad *Vesperas*